

尚

書

考

辨

尚書攷辨卷第三

承德郎廣東南雄府通判安邑宋鑒著

偽古文尚書二十五篇攷辨上

復出二篇附

秦人焚經而經存漢人說經而經亡非篤論也漢儒與絕學于斯文既喪之餘雖復抱殘守缺而一時專門名家湛澁經術斯稱極盛矣上則有明君賢王以大其表章下則有碩士通儒以司其訂正卽有作偽如張霸父子不能售其詐也降此三國兩晉玄風大倡外托清流內釀禍亂禮崩樂壞經典漸滅江左艸荆殘闕益甚于時梅氏者以其偽書僞傳堂堂奏上知朝廷之可欺也既無天祿石渠之藏以證其謬又無劉子政子駿賈景伯班孟堅馬季長之徒典校書以燭其奸當是時學者

不見完古文已數百年一旦五十八篇復出莫不爭相傳誦以爲古文再見也奚暇計其真偽哉或講大義或作疏解後生蹈常襲故莫敢瑕疵中更宋齊梁陳詞章學起延及隋唐未能革焉孔仲達定爲正義勒布庠序遂成盤石之勢矣然而可以欺一時不可以欺萬世可以欺千萬人庸衆之目不可以欺一二人有覺之心有宋吳才老始克據其文體以識其僞此千載是非之公不泯滅于人心者也紫陽師弟子踵而疑之學者始得倚以爲重入元及明詆排攻擊者甚夥顧其立說卒亦莫得要領殆未嘗揆本窮原深攷其故爾夫作僞有作僞之才與其學苦淺見寡聞而欲以武斷折其角適足爲作僞者誦矣誠能發其摟襲之原摘其補苴之迹溯

其遷就之由暴其悖戾之顯然者雖起九京而問之不知其尺喙安施也 國朝則吾鄉閭先生考數其最富乎德清胡朏明其次也朱竹垞顧亭林猶未免依違其間今亦未敢執一先生之言以爲論定考惟其據不厭詳辨惟其明不厭博庶讀者展卷瞭然信固難信疑亦無復可疑矣孟子曰盡信書則不如無書矧其爲晚出之增益者歟

### 虞書

#### 大禹謨

曰若稽古大禹曰文命敷于四海祗承于帝曰后克艱厥后臣克艱厥臣政乃乂黎民敏德帝曰兪允若茲嘉言罔攸伏野無遺賢萬邦咸寧稽于眾舍己從人不虐無告不廢困窮惟帝時

克益曰都帝德廣運乃聖乃神乃武乃文皇天眷命奄有四海  
爲天下君禹曰惠迪吉從逆凶惟影響益曰吁戒哉儆戒無虞  
罔失法度罔遊于逸罔淫于樂任賢勿貳去邪勿疑疑謀勿成  
百志惟熙罔違道以干百姓之譽罔拂百姓以從己之欲無怠  
蕪荒四夷來王禹曰於帝念哉德惟善政政在養民水火金木  
土穀惟修正德利用厚生惟和九功惟敘九敘惟歌戒之用休  
董之用威勸之以九歌俾勿壞帝曰兪地平天成六府三事允  
治萬世永賴時乃功帝曰格汝禹朕宅帝位三十有三載耄期  
倦于勤汝惟不怠總朕師禹曰朕德罔克民不依臯陶邁種德  
德乃降黎民懷之帝念哉念茲在茲釋茲在茲名言茲在茲允  
出茲在茲惟帝念功帝曰臯陶惟茲臣庶罔或于予正汝作士  
明于五刑以弼五教期于予治刑期于無刑民協于中時乃功

懋哉皐陶曰帝德罔愆臨下以簡御眾以寬罰弗及嗣賞延于世宥過無大刑故無小罪疑惟輕功疑惟重與其殺不辜寧失不經好生之德洽于民心茲用不犯于有司帝曰俾予從欲以治四方風動惟乃之休帝曰來禹降水儆予成允成功惟汝賢克勤于邦克儉于家不自滿假惟汝賢汝惟不矜天下莫與汝爭能汝惟不伐天下莫與汝爭功予懋乃德嘉乃丕績天之厯數在汝躬汝終陟元后人心惟危道心惟微惟精惟一允執厥中無稽之言弗聽弗詢之謀勿庸可愛非君可畏非民眾非元后何戴后非眾罔與守邦欽哉慎乃有位敬修其可願四海困窮天祿永終惟口出好興戎朕言不再禹曰枚卜功臣惟吉之從帝曰禹官占惟先蔽志昆命于元龜朕志先定詢謀僉同鬼神其依龜筮協從卜不習吉禹拜稽首固辭帝曰毋惟汝諧正

月朔旦受命于神宗率百官若帝之初帝曰咨禹惟時有苗弗率汝徂征禹乃會羣后誓于師曰濟濟有衆威聽朕命齏茲有苗昏迷不恭侮慢自賢反道敗德君子在野小人在位民棄不保天降之咎肆予以爾眾士奉辭伐罪爾尙一乃心力其克有勳三旬苗民逆命益贊于禹曰惟德動天無遠弗届滿招損謙受益時乃天道帝初于歷山往于田日號泣于旻天于父母負罪引慝祇載見菅屣夔夔齊慄誓亦允若至誠感神矧茲有苗禹拜曰言曰兪班師振旅帝乃誕敷文德舞干羽于兩階七旬有苗格

敬考此偽書所作第一篇也孔壁真古文增多十六篇原有大禹謨一篇遭赤眉之亂而亡但鄭目十六篇舜典之後大禹謨之前尙有汨作九共二題置而不作者

按書序云帝釐下土方設居方別生分類作汨作九共  
九篇各經傳引書與此序關合者絕少安能徒手出胷  
臆誤成此十篇邪大禹謨則有論語左傳已下所稱書  
文事多關禹集成篇不難爾故偽作自大禹謨始今  
據愚之所知悉爲表而出之猶可見其苦心搜羅匠意  
經營之迹云

堯典曰若稽古

皐陶謨同

大戴禮記

禹

曰文命

五帝德

易萬國

咸寧

乾象傳

孟子舍己從人

公孫丑

莊子堯曰吾不敖無告

不廢窮民

天道

呂覽夏書曰天子之德廣運乃神乃武乃文

務本

尸子舜曰從道必吉反道必凶如影如響

太平御覽引

戰

國策書云去邪勿疑任賢勿貳

趙王立周紹爲傅

左傳夏書曰戒

之用休董之用威勸之以九歌俾勿壞九功之德皆可歌也

謂之九歌六府三事謂之九功水火金木土穀謂之六府正

德利用厚生謂之三事

文七年

又夏書曰地平天成

傳二十一年

孟子舜薦禹于天十有七年

萬章

左傳夏書曰皋陶邁種

德德乃降

莊八年

又夏書曰念茲在茲釋茲在茲名言茲在

茲允出茲在茲惟帝念功

襄二十一年

孟子舜曰惟茲臣庶汝

其于子治

萬章

前漢書傳曰賞疑從子罰疑從去

馮奉世傳

左

傳夏書曰與其殺不辜寧失不經

襄二十八年

荀子舜曰維子

從欲而治

大略篇

孟子書曰洛水警余

滕文公

左傳夏書曰

成允成功

襄五年

老子不自伐故有功不自矜故長夫惟不

爭故天下莫能與之爭

曲則全章

荀子不爭矣夫故天下不與

爭能

君子篇

論語天之厯數在爾躬

堯曰

荀子道經曰人心

之危道心之微

解蔽篇

論語允執其中

堯曰

荀子無稽之言

不聞之謀君子慎之

正名篇

國語夏書有之曰眾非元后何

戴后非眾無與守邦

周

論語四海困窮天祿永終堯 墨

子先王之書術令之道曰唯口出好與戎

尚同

左傳王與

萊公枚卜子良以爲令尹

哀十七年

又夏書曰官占唯能蔽志

昆命于元龜

哀十八年

又卜不襲吉

哀十九年

墨子咎者禹征有

苗非攻

又禹誓禹曰濟濟有眾咸聽朕言非惟小子敢行

稱亂蠢茲有苗用天之罰若予既率爾羣對諸羣以征有苗

兼愛

國語奉辭伐罪

孟子舜往于田號泣于旻天于

父母

萬章

又書曰祗載見瞽瞍夔夔齊慄瞽瞍亦允若

淮南內書忠信形于內感動應于外故禹執干戚舞于兩階

之間而三苗服

繆稱訓

夏書

五子之歌

大康尸位以逸豫滅厥德黎民咸貳乃盤遊無度畋于有洛之  
表十旬弗反有窮后羿因民弗忍距于河厥弟五人御其母以  
從從于洛之汭五子咸怨述大禹之戒以作歌其一曰皇祖有  
訓民可近不可下民惟邦本本固邦寧予視天下愚夫愚婦一  
能勝予一人三失怨豈在明不見是圖予臨兆民懷乎若朽索  
之馭六馬爲人上者柰何不敬其二曰訓有之內作色荒外作  
禽荒甘酒嗜音峻宇彫牆有一于此未或不亡其三曰惟彼陶  
唐有此冀方今失厥道亂其紀綱乃底滅亡其四曰明明我祖  
萬邦之君有典有則貽厥子孫關石和鈞王府則有荒墜厥緒  
覆宗絕祀其五曰嗚呼曷歸予懷之悲萬姓仇予予將疇依鬱  
陶乎予心顏厚有忸怩弗慎厥德雖悔可追

敬考五子之歌亦在十六篇之數所謂逸書絕無師說者也張霸之作百兩篇采書序左氏傳爲作首尾今梅書亦復如是此篇乃全用序語而禱采左國之文傳會以屬成者

書序大康失邦昆第五人須于洛汭作五子之歌 左傳夏

訓有之曰有窮后羿襄四年 國語書曰民可近也而不可上

也周 又夏書有之曰一人三失怨豈在明不見是圖晉

新序孔子曰履民之上凜乎如以腐索馭奔馬漢事 國語

王日出則禽荒入則酒荒越 戰國策魯君曰有一于此足

以亡其國梁王魏嬰 賜諸侯 左傳夏書曰惟彼陶唐帥彼天常有

此冀方今失其行亂其紀綱乃滅而亡哀六年 國語關石蘇

均王府則有周 孟子曰鬱陶愬君爾忸怩萬章

增征

惟仲康肇位四海，胤侯命掌六師，羲和廢厥職，酒荒于厥邑。胤后承王命，徂征，告于眾曰：嗟！予有眾，聖有謨訓，明徵定保，先王克謹天戒，臣人克有常憲，百官修輔，厥后惟明明，每歲孟春，邇人以木鐸徇于路，官師相規，工執藝事以諫，其或不恭，邦有常刑。惟時羲和顛覆厥德，沈亂于酒，畔官離次，傲擾天紀，遐棄厥司。乃季秋月朔，辰弗集于房，瞽奏鼓，嗇夫馳庶人，走羲和，尸厥官。罔聞知，昏迷于天象，以干先王之誅。政典曰：先時者殺無赦，不及時者殺無赦。今予以爾有眾，奉將天罰，爾眾士同力，王室尚弼予，欽承天子威命，火炎崑岡，玉石俱焚，天吏逸德，烈于猛火，殲厥渠魁，脅從罔治，舊染汙俗，咸與惟新，嗚呼！威克厥愛，允濟，愛克厥威，允罔功，其爾眾士懋戒哉。

敬考孔壁增多有盾征其篇久亡于東漢之初惟史記載其序于仲康之世或從安國問而知之或佗有所受乃僞作者卽據史記定爲仲康而依傍序文兼徵左氏傳孟春日會二事謾成其篇

書序羲和油淫廢時亂日盾徃征之作盾征 史記帝中康

時羲和云云

文同書序夏本紀

左傳書曰聖有謩訓明徵定保

十一

又夏書曰道人以木鐸徇于路官師相規工執藝事

以諫正月孟春于是乎有之

襄十四年

又夏書曰辰不集于房

謩奏鼓嗇夫馳庶人走

昭十七年

荀子書曰先時者殺無赦不

及時者殺無赦

道

左傳吳公子光曰吾聞之曰作事戒克

其愛雖小必濟

昭二十三年

仲虺之誥

成湯放桀于南巢惟有慙德曰予恐來世以台爲口實仲虺乃作誥曰嗚呼惟天生民有欲無主乃亂惟天生聰明時又有夏昏德民墜塗炭天乃錫王勇智表正萬邦纘禹舊服茲率厥典奉若天命夏王有罪矯誣上天以布命于下帝用不臧式商受命用爽厥師簡賢附勢實繁有徒肇我邦于有夏若苗之有莠若粟之有秕小大戰戰罔不懼于非辜矧予之德言足聽聞惟王不邇聲色不殖貨利德懋懋官功懋懋賞用人惟已改過不吝克寬克仁彰信兆民乃葛伯仇餉初征自葛東征西夷怨南征北狄怨曰奚獨後予攸徂之民室家相慶曰奚予后后來其蘇民之戴商厥惟舊哉佑賢輔德顯忠逆良兼弱攻昧取亂侮亡推亡固存邦乃其昌德日新萬邦惟懷志自滿九族乃離王

懋昭大德建中于民以義制事以禮制心垂裕後昆子聞曰能自得師者王謂人莫已若者亡好問則裕自用則小嗚呼慎厥終惟其始殖有禮覆昏暴欽崇天道永保天命

敬考仲虺之誥增多所無也汨作九共之等既不能作則不得不別作以充數仲虺之誥明有左氏傳墨子荀子曰覽所引仲虺語可徵以取信也遂采輯而作仲虺

之誥

國語桀奔南巢

音

史記成湯有南巢之伐

律書

左傳而猶

有懋德

襄二十九年

墨子仲虺之告曰我聞有夏人矯天命于

下帝式是增用爽厥師

非命下

左傳鄭書有之惡直醜正實

蕃有徒

昭二十八年

孟子書曰葛伯仇餉

滕文公

又書曰湯一

征自葛始

又東而而征西夷怨南面而征北狄怨曰奚爲

後我 又書曰後我后后來其蘇並梁惠王 左傳兼弱攻昧

又仲虺有言曰取亂侮亡並宣十二年 又仲虺有言曰亡者侮

之亂者取之推亡固存國之道也襄十四年 大學湯之盤銘曰

苟日新 苟子以義制事君 又其中諦之言也曰諸侯

自爲得師者王得友者霸得疑者存自爲謀而莫已若者亡

堯問 呂覽仲虺有言曰魯向見虜恣禮 又覆昏亂 閔元年 老子慎終如始其安易恃章 左傳親有

湯誥

王歸自克夏至于亳誕告萬方王曰嗟爾萬方有衆明聽予一人誥惟皇上帝降衷于下民若有恆性克綏厥猷惟后夏王滅德作威以敷虐于爾萬方百姓爾萬方百姓罹其凶害弗忍荼毒竝告燕羣于上下神祇天道福善禍淫降災于夏以彰厥罪

肆台小子將天命明威不敢赦敢用立牲敢昭告于上天神后  
請罪有夏肆求元聖與之戮力以與爾有衆請命上天孚佑下  
民罪人黜伏天命弗僭賁若草木兆民允殖俾予一人輯寧爾  
邦家茲朕未知獲戾于上下慄慄危懼若將隕于深淵凡我造  
邦無從匪彝無卽怙淫各守爾典以承天休爾有善朕弗敢蔽  
罪當朕躬弗敢自赦惟簡在上帝之心其爾萬方有罪在予一  
人予一人有罪無以爾萬方嗚呼尙克時忱乃亦有終

敬考逸十六篇有湯誥司馬遷從安國問得其文載諸  
殷本紀凡百二十六字是孔壁古文之真湯誥也乃若  
以史記不足徵信而倚論語爲重因割割論語撰變其  
辭參以國語墨子而作此篇

書序湯既黜殷命復歸于亳作湯誥 國語先王之令有之

曰天道賞善而罰淫周 論語予小子履敢用玄牡敢昭告

于皇皇后帝堯 墨子湯誓曰聿求元聖與之戮力同心以

治天下尚賢 又湯曰卽當朕身履未知得罪于上下兼愛

國語故凡我造國無從非彝無卽愆淫各守爾典以承天

休周 論語有罪不敢赦帝臣不蔽簡在帶心朕躬有罪無

以萬方萬方有罪罪在朕躬堯曰 墨子兼愛下呂

伊訓

惟元祀十有二月乙丑伊尹祀于先王奉嗣王祇見厥祖侯甸  
羣后咸在百官總己以聽冢宰伊尹乃明言烈祖之成德以訓  
于王曰嗚呼古有夏先后方懋厥德罔有天災山川鬼神亦莫  
不寧暨鳥獸魚鼈咸若于其子孫弗率皇天降災假手于我有  
命造攻自鳴條朕哉自亳惟我裔王布昭聖武代虐以寬兆民

允懷今王嗣厥德罔不在初立愛惟親立敬惟長始于家邦終于四海嗚呼先王肇修人紀從諫弗弗先民時若居上克明爲下克忠與人不求備檢身若不及以至于有萬邦茲惟艱哉敷求哲人俾輔于爾後嗣制官刑儆于有位曰敢有恒舞于宮酣歌于室時謂巫風敢有殉于貨色恆于遊畋時謂淫風敢有侮聖言逆忠直違耆德比頑童時謂亂風惟茲三風十愆卿士有一于身家必喪邦君有一于身國必亡臣下不匡其刑墨具訓于蒙士嗚呼嗣王祗厥身念哉聖謨洋洋嘉言孔彰惟上帝不常作善降之百祥作不善降之百殃爾惟德罔小萬邦惟慶爾惟不德罔大墜厥宗

敬考西漢秘府古文卽孔壁所發增多十六篇有伊訓  
劉歆校經猶及見之著其說于三統厯今尙有可稽也

作僞者以既名爲訓是必伊尹訓太甲之書乃旁摭經傳作此以訓太甲

前漢書伊訓篇曰惟太甲元年十有二月乙丑朔伊尹祀于

先王

律歷志

論語百官總已以聽于冢宰

憲問

商頌衍我烈

祖

那

墨子裔書曰嗚呼古者有夏方未有禍之時百獸貞

虫允及飛鳥莫不比方矧住人而胡敢異心山川鬼神亦莫

敢不寧若能共允住天下之合下土之葆

明鬼下

新書文王

之澤下被禽獸洽于魚鼈咸若攸樂

君道

孟子伊訓曰天誅

造攻自牧宮朕載自毫

萬章

祭法湯以寬治民而除其虐

召誥今王嗣受厥命若生子罔不在厥初生祭義立愛自

親始教民睦也立敬自長始教民順也孝經愛敬盡于事

親而德教加于百姓刑于四海

天子章

荀子書曰從命而不

咈微諫而不倦爲上則明爲下則遜道臣 論語周公謂魯公

曰無求備于一人子微 又見善如不及季氏 墨子傳曰求聖

君哲人以俾輔而身中賢 又先王之書湯之官刑有之曰

其桓舞于宮是謂巫風其刑君子出絲二衛小人否似二伯

黃經乃言曰舞佯佯黃言孔章上帝弗常九有以亡上帝不

順降之日殍其家必壞喪井樂上 論語侮聖人之言季氏 國

語今王播棄黎老而孩童焉此謀吳 周易積善之家必有

餘慶積不善之家必有餘殃文 墨子禽艾之道之曰得璣

無小滅宗無大明鬼 呂覽書之所謂德幾無小者也報

太甲上

惟嗣王不惠于阿衡伊尹作書曰先王顧諟天之明命以承上  
下神祇社稷宗廟罔不祇肅天監厥德用集大命撫綏萬方惟

尹躬克左右厥辟宅師肆嗣王丕承基緒惟尹躬先見于西邑  
夏自周有終相亦惟終其後嗣王罔克有終相亦罔終嗣王戒  
哉祇爾厥辟辟不辟泰厥祖王惟庸罔念聞伊尹乃言曰先王  
昧爽丕顯坐以待旦旁求俊彥厥迪後人無越厥命以自覆慎  
乃儉德惟懷永圖若虞機張徃省括于度則釋欽厥止率乃祖  
攸行惟朕以懍萬世有辭玉未克變伊尹曰茲乃不義習與性  
成予弗狎于弗順營于桐宮密邇先王其訓無俾世迷王徂桐  
宮居憂克終允德

大甲中

惟三祀十有二月朔伊尹以冕服奉嗣王歸于亳作書曰民非  
后罔克胥匡以生后非民罔以辟四方皇天眷佑有裔俾嗣王  
克終厥德實萬世無疆之休王拜手稽首曰予小子不明于德

自底不類欲敗度縱敗禮以速戾于厥躬天作孽猶可違自作孽不可逭既往背師保之訓弗克于厥初尙賴匡救之德圖惟厥終伊尹拜手稽首曰修厥身允德協于下惟明后先王子惠困窮民服厥命罔有不悅竝其有邦厥鄰乃曰俟我后后來無罰王懋乃德視乃烈祖無時豫怠奉先忠孝接下思恭視遠惟明聽德惟聰朕承王之休無斃

大甲下

伊尹申誥于王曰嗚呼惟天無親克敬惟親民罔常懷懷于有仁鬼神無常享享于克誠天位艱哉德惟治否德亂與治同道罔不興與亂同事罔不亡終始慎厥與惟明明后先王惟時懋敬厥德克配上帝今王嗣有令緒尙監茲哉若升高必自下若涉遐必自邇無輕民事惟難無安厥位惟危慎終于始有言逆

于汝心必求諸道有言遜于汝志必求諸非道嗚呼弗慮胡獲  
弗爲胡成一入元良萬邦以貞君罔以辯言亂舊政臣罔以寵  
利居成功邦其永孚于休

敬考增多十六篇鄭目有典寶一篇在伊訓前肆命一  
篇在伊訓後無太甲也其作太甲者則以大學緇衣表  
記明述有太甲之文可援爲據而孟子詳載放桐歸亳  
始末可資以成篇遂議爲三篇以充數云

書序太甲既立不明伊尹放諸桐三年復歸于亳思庸伊尹  
作太甲三篇 大學太甲曰顧諟天之明命 緇衣尹吉曰

惟尹躬天見于西邑夏自周有終相亦惟終 坊記書云厥

辟不辟忝厥祖 左傳譏鼎之銘曰昧且不顯昭三 孟子

坐以待旦禮 緇衣太甲曰母越厥命以自覆也若虞機張

往省括于度則釋 孟子于不狎于不順放太甲于桐盡

又太甲顛覆湯之典刑伊尹放之于桐三年太甲悔過自怨

自艾于桐處仁遷義三年以聽伊尹之訓已也復歸于臺萬章

表記太甲曰民非后無能育以寧后非民無以辟四方

左傳書曰欲敗度縱敗禮昭十 緇衣太甲曰天作孽可違

也自作孽不可以追 孟子書曰俟我后后來其無罰滕文公

國語聽德以爲聰致遠以爲明楚 老子天道無親常與

善人和大怨章 中庸倬如行遠必自邇倬如登高必自卑 老

子愼終如始其安易持章 文王世子語曰一有元良萬國以貞

威有一德

伊尹既復政厥倬將告歸乃陳戒于德曰嗚呼天難諶命靡常

常厥德保厥位厥德靡常九有以亡夏王弗克庸德慢神虐民

皇天弗保監于萬方啓迪有命眷求一德俾作神主惟尹躬暨  
湯咸有一德克享天心受天明命以有九有之師爰革夏正非  
天私我有裔惟天佑于一德非裔求于下民惟民歸于一德德  
惟一動罔不吉德二三動罔不凶惟吉凶不僭在人惟天降災  
祥在德今嗣王新服厥命惟新厥德終始惟一時乃日新任官  
惟賢才左右惟其人臣爲上爲德爲下爲民其難其慎惟和惟  
一德無常師主善爲師善無常主協于克一俾萬姓咸曰大哉  
王言又曰一哉王心克綏先王之祿永底烝民之生嗚呼七世  
之廟可以觀德萬夫之長可以觀政后非民罔使民非后罔事  
無自廣以狹人匹夫匹婦不獲自盡民主罔與成厥功

敬考孔壁增多原有咸有一德而東漢已亡故鄭注緇  
衣云書序以爲咸有壹德今亡然其書當成湯之世故

史記列于咎單作明居之前

紀本

而鄭注次第直在典

寶之前

見書正義

徒以成湯難于捨詞太甲易以成篇乃退

其弟子太甲之後而作咸有一德

君奭天命不易天難諶

緇衣尹吉曰惟尹躬及湯咸有壹

德

呂覽商箴曰天降災布祥並有其職

名類

又商書曰五

世之廟可以觀怪萬夫之長可以生謀

務本

說命上

王宅憂亮陰三祀既免喪其惟弗言羣臣咸諫于王曰嗚呼知之曰明哲明哲實作則天子惟君萬邦百官承式王言惟作命不言臣下罔攸稟令王庸作書以誥曰以台正于四方台恐德弗類茲故弗言恭默思道夢帝賚予良弼其代予言乃審厥象俾以形旁求于天下說築傅巖之野惟肖爰立作相王置諸其

左右命之曰朝夕納誨以輔台德若金用汝作礪若濟巨川用汝作舟楫若歲大旱用汝作霖雨啓乃心沃朕心若藥弗瞑眩厥疾弗瘳若跣弗視地厥足用傷惟暨乃僚罔不同心以匡乃辟俾率先王迪我高后以康兆民嗚呼欽予時命其惟有終說復于王曰惟木從繩則正后從諫則聖后克聖臣不命其承疇敢不祇若王之休命

說命中

惟說命總百官乃進于王曰嗚呼明王奉若天道建邦設都樹后王君公承以大夫師長不惟逸豫惟以亂民惟天聰明惟聖時憲惟臣欽若惟民從又惟口起羞惟甲冑起戎惟衣裳在笥惟干戈省厥躬王惟戒茲允茲克明乃罔不休惟治亂在庶官官不及私昵惟其能爵罔及惡德惟其賢慮善以動勳惟厥時

有其善速厥善矜其能喪厥功惟事事乃其有備有備無患無  
啓寵納侮無恥過作非惟厥攸居政事惟醇黷于祭祀時謂弗  
欽禮煩則亂事神則難王曰肯哉說乃言惟服乃不良于言予  
罔聞于行說拜稽首曰非知之艱行之惟艱王忱不艱允協于  
先王成德惟說不言有厥咎

說命下

王曰來汝說台小子舊學于甘盤既乃遜于荒野入宅于河自  
河徂亳暨厥終罔顯爾惟訓于朕志若作酒醴爾惟麴孽若作  
和羹爾惟鹽梅爾交修予罔予棄予惟克邁乃訓說曰王人求  
多聞時惟建事學于古訓乃有獲事不師古以克永世匪說攸  
聞惟學遜志務時敏厥修乃來允懷于茲道積于厥躬惟教學  
半念終始典于學厥德修罔覺監于先王成憲其永無愆惟說

式克欽承務招俊又列于庶位王曰嗚呼說四海之民咸仰朕  
德時乃風股肱惟人良臣惟聖替先正保衡作我先王乃曰子  
弗克俾厥后惟堯舜其心愧恥若撻于市一夫不獲則曰時予  
之辜佑我烈祖格于皇天爾尙明保予罔俾阿衡專美有裔惟  
后非賢不又惟賢非后不食其爾克紹乃辟于先王永綏民說  
拜稽首曰敢對揚天子之休命

敬考孔壁十六篇增有原命一篇當太戊之世而無說  
命三篇其不作原命而別作說命者原命序云太戊贊  
于伊陟作伊陟原命茫然無可措手說命則有國語所  
稱與書序合又有文王世子學記緇衣明引兌命書辭  
可藉爲左驗雖明與孔違而弗恤也

書序高宗夢得說使百工營求諸野得諸傅巖作說命三篇

無逸其在高宗時乃或亮陰三年不言其惟不言言乃雍

帝王世紀武丁卽位諒闇居凶廬三年不言旣免喪猶不

言羣臣咸諫

大平御覽引

國語魯般武丁三年默以忠道卿士

忠之曰王言以出令也若不言是無所稟令也武丁于是作

書曰以余正四方余恐德之不類茲故不言如是而又使以

象夢求四方之賢聖得傳說以來升以爲公而使朝夕規諫

曰若金用女作礪若津水用女作舟若天旱用女作霖雨若

藥不暝眩厥疾不瘳若跣不視地厥足用傷

楚

墨子先王

之書馴天明不解之道也知之曰明哲維大臨君下出

天志下

左傳書曰聖作則

昭六年

大戴禮記君子曰木從繩則直

勸

荀子君子曰木受繩則直

勸

墨子先王之書相年之

道曰夫建國設都乃作后王君公否用泰也輕大夫師長否

用佚也維辯使治天均

尚同中

又古者建國設都乃立后王

君公奉以卿士師長此非欲用說也唯辯而使助治天助明

也

尚同下

緇衣兌命曰惟口起羞惟甲冑起兵惟衣裳在笥

惟于戈省厥躬又爵無及惡德民立而正事純而祭祀是

爲不敬事煩則亂事神則難左傳患則有備有備無患

一

又士彌牟曰啓寵納侮其此之謂矣

定元年

尚書大傳

詩云非知之艱行之惟艱

周官疏引

國語晉毀武丁能聳其德

至于神明以入于河自河徂亳

楚

又使朝夕規誨箴諫曰

必交修余無余棄也

楚

學記兌命曰敬遜務時敏賦修乃

來又兌命曰學學半文王世子兌命曰念終始典于學

學記

孟子吾豈若使是君爲堯舜之君哉又思天下之

民匹夫匹婦有不被堯舜之澤者若已推而納之溝中

堯禹章

君夷成湯既受命時則有若伊尹格于皇天

周書

泰誓上

惟十有三年春大會于孟津王曰嗟我友邦冢君越我御事庶  
士明聽誓惟天地萬物父母惟人萬物之靈亶聰明作元后元  
后作民父母今裔王受弗敬上天降災下民沈湎丹色敢行暴  
虐罪人以族官人以世惟宮室臺榭陂池侈服以殘害于爾萬  
姓焚炙忠良剝剔孕婦皇天震怒命我文考肅將天威大勳未  
集肆予小子發以爾友邦冢君觀政于裔惟受罔有悛心乃夷  
居弗事上帝神祇遺厥先宗廟弗祀犧牲粢盛既于凶盜乃曰  
吾有民有命罔懲其侮天佑下民作之君作之師惟其克相上  
帝寵綏四方有罪無罪予曷敢有越厥志同力度德同德度義

受有臣億萬惟億萬心予有臣三千惟一心裔罪貫盈天命誅  
之子弗順天厥罪惟鈞予小子夙夜祗懼受命文考類于上帝  
宜于豕土以爾有衆底天之罰天矜于民民之所欲天必從之  
爾尙弼予一人永清四海時哉弗可失

泰誓中

惟戊午王次于河朔羣后以師畢會王乃循師而誓曰嗚呼西  
土有衆咸聽朕言我聞吉人爲善惟日不足凶人爲不善亦惟  
日不足今裔王受力行無度播棄羣老昵比罪人淫凶肆虐臣  
下化之朋家作仇殄權相滅無辜顛天穢德彰聞惟天惠民惟  
辟奉天有夏桀弗克若天流毒下國天乃佑命成湯降黜夏命  
惟受罪浮于桀剝喪元良賊虐諫輔謂已有天命謂敬不足行  
謂祭無益謂暴無傷厥鑒不遠在彼夏王天其以予乂民朕夢

協朕卜襲于休祥戎裔必克受有億兆夷人離心離德子有  
臣十人同心同德雖有周親不如仁人天視自我民視天聽  
我民聽百姓有過在予一人今朕必往我武惟揚侵于之疆  
彼凶殘我伐用張于湯有光勗哉夫子罔或無畏寧執非敵  
姓懍懍若崩厥角嗚呼乃一德一心立定厥功惟克永世

秦誓下

時厥明王乃大巡六師明誓衆士王曰嗚呼我西土君子天  
顯道厥類惟彰今裔王受狎侮五常荒怠弗敬自絕于天結  
于民衝朝涉之脛剖賢人之心作威殺戮毒痛四海崇信姦  
放黜師保屏棄典刑囚奴正士郊社不修宗廟不享作奇技  
巧以悅婦人上帝弗順祝降時喪爾其孜孜奉予一人恭行  
罰古人有言曰撫我則后虐我則讎獨夫受洪惟作威乃汝

讎樹德務滋除惡務本肆予小子誕以爾衆士殄殲乃讎爾衆  
士其尙迪果毅以登乃辟功多有厚賞不迪有顯戮嗚呼惟我  
文考若日月之照臨光于四方顯于西土惟我有周誕受多方  
予克受非予武惟朕文考無罪受克予非朕文考有罪惟予小  
子無良

敬考伏壁二十九篇本無秦誓武帝時有得于壁內者  
合于伏書爲今文一篇孔壁十六篇亦無秦誓宣帝時  
有得于河內老屋者合于孔書爲古文三篇其古文卽  
析今文而三之後所得不異于前所得也然作僞者不  
能博極羣書止據漢初習聞觀兵孟津八百來會白魚  
入舟火復流雕諸故事綴集成篇然亦足欺世而有述  
焉漢之行用者且四百年而馬融始得據書傳所見以

疑之疑之誠是也而孰意啓後來作僞之術邪東晉二  
十五篇無不旁摭經傳以立文而秦誓三篇其發軔之  
始歟

牧誓王曰嗟我友邦冢君御事 墨子咎者殷王紂貴爲天

子富有天下上詭天侮鬼下殃做天下之萬民明鬼 荀子

以族論罪以世舉賢君子 大戴禮記紂不率先王之明德乃

上祖夏桀行荒耽于酒淫泆于樂德昏政亂作宮室高臺汗

池土察以爲民慮少 荀子世之災妬賢能飛廉知政任惡

來卑其志意大其園囿高其臺榭成 淮南內書晚世之時

帝有桀紂爲璇室瑤臺象廊玉牀紂爲肉圃酒池燎焚天下

之財罷苦萬民之力本經 墨子咎者殷王紂楚毒無罪列

別孕婦明鬼 荀子紂列比干囚箕子爲炮烙刑戮無時臣

下稟然莫必其命

議兵應要略

淮南倣真本經道說苑權謀語略同

墨子大明之

道之曰紂越厥夷居不冝事上帝棄厥先神祇不祀乃曰吾

有命無孽俛務天下天亦縱棄紂而不葆

天志中

又于太誓

曰紂夷處不冝事上帝鬼神禍厥先神祇不祀乃曰吾民有

命無孽排扁天亦縱之棄而弗葆

非命上

命申引略同

微子今殷

民乃穰竊神祇之犧牲牲 孟子書曰天降下民作之君作

之師惟曰其助上帝寵之四方有罪無罪惟我在天下曷敢

有越厥志一人衡行于天下武王耶之

梁惠王

左傳同德度

義太誓曰紂有億兆夷人亦有離德余有亂臣十人同心同

德

昭二十四年

管子泰誓曰紂有臣億萬亦有億萬之心武王

有臣三千而一心

法禁

墨子太誓曰小人見姦巧乃聞不言

也發罪鈞剛

左傳大誓云民之所欲天必從之

襄三十一年周語

鄭語引  
大誓同

左傳吳公子光曰此時弗可失也

昭二十七年

墨子

魯者殷王紂播棄黎老賊孩子

明鬼下

又太誓之言也于去

發曰惡乎君子天有顯德其行甚章爲鑑不遠在彼夏王謂

人有命謂敬不可行謂祭無益謂暴無傷上帝不常九有以

亡上帝不順祝降時喪惟我有周受之大帝

非命下

國語單

襄公曰吾聞之太誓故曰朕憂協于朕卜襲于休祥戎商必

克周

論語武王曰子有亂臣十人

泰伯二十八年

左傳襄

又雖

有周親不如仁人百姓有過在子一人

堯曰

堯曰堯中引略同

孟

子泰誓曰天視自我民視天聽自我民聽萬湯誓今朕必

往孟子太誓曰我武惟揚侵于之疆則取于殘殺伐用張

于湯有光

滕文公

又武王之伐殷也革車三百兩虎賁三千

人王曰無畏寧爾也非敵百姓也若崩厥角稽首

盡

前漢

書太誓曰正稽古立功立事可以永年郊祀志刑法志平

引書略同 史記自絕于天周紀荀子周公曰刳比干而囚箕子

齊大公又比干見刳箕子累相史記紂殺王子比干囚箕子

世家公淮南內書剖賢人之心析才士之脛醢鬼侯之女

菹梅伯之骸真又紂殺王子比干而骨肉怨衝朝涉者之

脛而萬民叛術前漢書書序殷紂斷棄祖之樂迺作淫聲

用變亂正聲以悅婦人禮樂志呂覽周書曰民善之則畜也

不善則讎也通成淮南內孟子聞誅一夫紂矣梁惠王

荀子秦誓曰獨夫紂兵左傳伍員曰臣聞之樹德莫如滋

去疾莫如盡哀元戰國策詩云樹德莫如滋除害莫如盡

秦兼愛中墨子魯者文王之治西上若日若月乍光于四方于西

土兼愛中坊記太誓曰予克紂非予武惟朕文考

無罪紂克予非朕文考有罪惟予小子無良

武成

惟一月壬辰殂死魄越翼日癸巳王朝步自周于征伐商厥四月哉生明王來自商至于豐乃偃武修文歸馬于華山之陽放牛于桃林之野示天下弗服丁未祀于周廟邠甸侯衛駿奔走執豆邊越三日庚戌柴望大告武成既生魄庶邠冢君暨百工受命于周王若曰嗚呼羣后惟先王建邠啓土公劉克篤前烈至于大王肇基王迹王季其勤王家我文考文王克成厥勳誕膺天命以撫方夏大邦畏其力小邦懷其德惟九年大統未集予小子其承厥志底商之罪告于皇天后土所過名山大川曰惟有道曾孫周王發將有大正于商今商王受無道暴殄天物害虐烝民爲天下逋逃主萃淵薮予小子既獲仁人敢祇承上

帝以邊亂略華夏蠻貊罔不率俾恭天成命肆予東征綏厥士  
女惟其士女篋厥玄黃昭我周王天休震動用附我大邑周惟  
爾有神尚克相予以濟兆民無作神羞既戊午師逾孟津癸亥  
陳于高郊俟天休命甲子昧爽受率其旅若林會于牧野罔有  
敵于我師前徒倒戈攻于後以北血流漂杵一戎衣天下大定  
乃反商政政由舊釋箕子囚封比干墓式商容闕散鹿臺之財  
發鉅橋之粟大賚于四海而萬姓悅服列爵惟五分土惟三建  
官惟賢位事惟能重民五教惟會喪祭惇信明義崇德報功垂  
拱而天下治

敬考武成眞古文亡于建武之際若西漢則自發諸孔  
壁獻諸秘府劉子駿見而好之亟稱其文以證諸三統  
歷東晉作者亦卽采用其首五語博徵武王軼事傳會

書序之意而爲武成一篇

書序武王伐殷牲伐歸獸識其政事作武成 前漢書武成

曰惟一月壬辰旁死霸若翌日癸巳武王乃朝步自周于征

伐紂

律歷志  
三統歷

樂記馬散之華山之陽而弗復乘牛散之桃

林之野而弗復服

呂覽慎大史記周紀指侯世家韓詩外傳淮南內書秦族說苑指武文略同

大傳牧之野武王之大事也既事而退柴于上帝祈于社設

奠于牧室遂率天下諸侯執豆蓬遂奔走 左傳北宮文子

曰周書數文王之德曰大國畏其力小國懷其德 墨子魯

者武王將事泰山隧傳曰泰山有道曾孫周王有事大事既

獲仁人尚作以祗商夏蠻夷醜貉

兼愛中

左傳魯武王數紂

之罪以告諸侯曰紂爲天下逋逃主萃淵藪

昭七年

孟子有

攸不爲臣東征綏厥士女篚厥玄黃紹我周王見休惟臣附

于大邑周其君子實玄黃于筐以迎其君子其小人簞食盡

漿以迎其小人救民于水火之中取其殘而已矣滕文公大

雅殷商之旅其會如林矢于牧野明孟子以至仁伐至不

仁而何其血之流杵也盡心荀子厭旦于牧之野鼓之而紂

卒易向蓬乘殷人而進誅紂僞效中庸壹戎衣而有天下

樂記封王子比干之墓釋箕子之囚使之行商容而復其位

管子武王伐紂人殷之日決巨橋之粟散鹿臺之錢殷民

大說版法大戴記保傅管子大略呂覽慎大史論語周

有大資善人是富堯日前漢書用爵五等而土三等地理志

論語所重民會喪祭堯日管子垂拱而天下治在法

旅葵

惟克商遂通道于九夷八蠻西旅厥貢厥葵大保乃作旅葵用

訓于王曰嗚呼明王慎德四夷咸賓無有遠邇畢獻方物惟服  
衽用王乃昭德之致于異姓之邦無替厥服分寶玉于伯叔  
之國時庸展親人不易物惟德其物德盛不狎侮狎侮君子罔  
以盡人心狎侮小人罔以盡其力不役耳目百度惟貞玩人喪  
德玩物喪志志以道寧言以道接不作無益害有益功乃成不  
貴異物賤用物民乃足犬馬非其土性不畜珍禽奇獸不育子  
國不寶遠物則遠人格所寶惟賢則邇人安嗚呼夙夜罔或不  
勤不矜細行終累大德爲山九仞功虧一簣允迪茲生民保厥  
居惟乃世王

敬考孔壁所獻原增多旅葵一篇其書則亡東晉作者  
依書序立義而以國語所載仲尼對陳惠公之文傳衍  
以成篇

國語仲尼曰魯武王克商通道于九夷百蠻使各以其方賄  
來貢使無忘職業于是肅慎氏貢楛矢石弩先王欲昭其令  
德之致遠也以示後人使永覽焉故銘其楛曰肅慎氏之貢  
矢以分大姬配虞胡公而封諸陳古者分同姓以珍玉展親  
也分異姓以遠方之職使無忘服也

魯家語辨物史記  
孔子世家文幣同

左傳周書曰皇天無親云云又曰民不易物惟德繁物

僖五年

論語譬如爲山未成一簣止吾止也

### 微子之命

王若曰猷殷王元子惟稽古崇德象賢統承先王修其禮物作  
賓于王家與國咸休永世無窮嗚呼乃祖成湯克濟聖廣淵皇  
天眷佑誕受厥命撫民以寬除其邪虐功加于時德垂後裔爾  
惟踐修厥猷舊有令聞恪慎克孝肅恭神人予嘉乃德曰篤不

忘上帝時欲下民祇協庸建爾于上公尹茲東夏欽哉往敷乃  
訓慎乃服命率由典常以蕃王室弘乃烈祖律乃有民永綏厥  
位毗予一人世世享德萬邦作式俾我有周無斃嗚呼往哉惟  
休無替朕命

敬考逸十六篇鄭目甚具本無微子之命徒以誥命之  
體譯文則易依附左國擬作足數爾

左傳陽虎曰微子啓帝乙之元子也

哀九年

國語湯以寬治

民而除其邪

魯

祭法湯以寬治民而除其虐

左傳王以

上卿之禮饗管仲管仲辭王曰舅氏余嘉乃勳應乃懿德謂

督不忘往踐乃職無違朕命

僖十年

蔡仲之命

惟周公位冢宰正百工羣叔流言乃致碎管叔于商囚蔡叔于

郭鄰以車七乘降霍叔于庶人三年不齒蔡仲克庸祇德周公  
以爲卿士叔卒乃命諸王邗之蔡王若曰小子胡惟爾率德改  
行克慎厥猷肆予命爾侯于東土往卽乃封敬哉爾尚蓋前人  
之意惟忠惟孝爾乃邁迹自身克勤無怠以垂憲乃後率乃祖  
文王之彝訓無若爾考之違王命皇天無親惟德是輔民心無  
常惟惠之懷爲善不同同歸于治爲惡不同同歸于亂爾其戒  
哉慎厥初惟厥終終以不困不惟厥終終以困窮懋乃攸績睦  
乃四鄰以蕃王室以和兄弟康濟小民率自中無作聰明亂舊  
章詳乃視聽罔以側言改厥度則予一人汝嘉王曰嗚呼小子  
胡汝往哉無荒棄朕命

敬考蔡仲之命亦增多十六篇所無也惟祝佗述其遺  
文可資以作偽則作蔡仲之命云

左傳祝佗曰管蔡啓商憇間王室于是乎殺管叔而蔡蔡叔以車七乘徒七十人其子蔡仲改行帥德周公舉之以爲已卿士見諸王而命之蔡其命書曰王曰胡無若爾考之違王

命也

定四年

金縢管叔及其羣弟乃流言于國

書序蔡叔

既沒王命蔡仲踐諸侯位作蔡仲之命

左傳周書曰皇天

無親惟德是輔

傳五年

又書曰慎始而敬終終以不困

襄五年

### 周官

惟周王撫萬邦巡侯甸四征弗庭綏厥兆民六服羣辟罔不承德歸于宗周董正治官王曰若管大猷制治于未亂保邦于未危曰唐虞稽古建官惟百內有百揆四岳外有州牧侯伯庶政惟和萬國咸寧夏商官倍亦克用又明王立政不惟其官惟其人今予小子祇勤于德夙夜不逮仰惟前代時若訓迪厥官立

太師太傅太保茲惟三公論道經邦變理陰陽官不必備惟其  
人少師少傅少保曰三孤貳公弘化寅亮天地弼予一人冢宰  
掌邦治統百官均四海司徒掌邦教敷五典擾兆民宗伯掌邦  
禮治神人和上下司馬掌邦政統六師平邦國司寇掌邦禁詰  
姦慝刑暴亂司空掌邦土居四民時地利六卿分職各率其屬  
以倡九牧阜成兆民六年五服一朝又六年王乃時巡考制度  
于四岳諸侯各朝于方岳大明黜陟王曰嗚呼凡我有官君子  
欽乃攸司慎乃出令出惟行弗惟反以公滅私民其允懷學  
古人官議事以制政乃不迷其爾典常作之師無以利口亂厥  
官蓄疑敗謀怠忽荒政不學牆面莅事惟煩戒爾卿士功崇惟  
志業廣惟勤惟克果斷乃罔後艱位不期驕祿不期侈恭儉惟  
德無載爾僞作德心逸日休作僞心勞日拙居寵思危罔不惟

畏弗畏入畏推賢讓能庶官乃不和政廢舉能其官惟爾之能稱匪其人惟爾不任王曰嗚呼三事暨大夫敬爾有官亂爾有政以佑乃辟永康兆民萬邦無斁

敬考周官者亦孔陞增多所未有也惟前漢百官公卿表序文可用卽點竄仿佛而作周官一篇

前漢書書載唐虞之際云云夏殷亡間焉周官則備矣天官冢宰地官司徒春官宗伯夏官司馬秋官司寇冬官司空是爲六卿各有徒屬職分用于百事太師太傅太保是爲三公蓋參天子坐而議政無不總統故不以一職爲官名又立三少爲之副少師少傅少保是爲孤卿與六卿爲九焉記曰三公無官言有其人然後充之舜之子堯伊尹子湯周公召公子周是也

百官公卿表序

明堂位有虞氏官五十夏后氏官百殷

二百周三百 文王世子設四輔及三公不必備唯其人語

使能也 左傳晉先王議事以制昭六年 論語其猶正牆面

而立也與陽貨 左傳詩曰淑慎爾止無載爾僞襄三十四年 荀子

安則慮危 又推賢讓能莊仲尼

君陳

王若曰君陳惟爾令德孝恭惟孝友于兄弟克施有政命汝尹  
茲東郊敬哉管周公師保萬民民懷其德往慎乃司茲率厥常  
懋昭周公之訓惟民其乂我聞曰至治馨香感于神明黍稷非  
馨明德惟馨爾尙式時周公之猷訓惟日孜孜無敢逸豫凡人  
未見聖若不克見聖既見聖亦不克由聖爾其戒哉爾惟風下  
民惟草圖厥政莫敢不艱有廢有興出入自爾師虞庶言同則  
繹爾有嘉謀嘉猷則入告爾后于內爾乃順之于外曰斯謀斯

猷惟我后之德嗚呼臣人咸若時惟良顯哉王曰君陳爾惟弘  
周公丕訓無依勢作威無倚法以削寬而有制從容以和殷民  
在辟子曰辟爾惟勿辟子曰宥爾惟勿宥惟厥中有弗若于汝  
政弗化于汝訓辟以止辟乃辟狃于姦宄敗常亂俗三細不宥  
爾無忿疾于頑無求備于一人必有忍其乃有濟有容德乃大  
簡厥修亦簡其或不修進厥良以率其或不良惟民生厚因物  
有遷違上所命從厥攸好爾克敬典在德時乃罔不變允升于  
大猷惟予一人膺受多福其爾之休終有辭于永世

敬考東晉作者經傳有文可據則據而作之用以欺目  
論者使不疑也君陳有坊記緇衣爲證故雖孔辟所無  
而毅然作之

書序周公既沒命君陳分正東郊成周作君陳 國語單襄

公曰而令德孝恭

周

論語書云孝乎惟孝友于兄弟施于

有政

爲

左傳周書曰黍稷非馨明德惟馨

僖五年

緇衣君

陳曰未見聖若已弗克見既見聖亦不克由聖 論語君子

之德風小人之德草草上之風必偃

顏淵

緇衣君陳曰出入

自爾師虞庶言同 坊記君陳曰爾有嘉謀嘉猷入告爾君

于內女乃順之于外曰此謀此猷惟我君之德於乎是惟良

顯哉 論語無求備于一人

子微

國語書有之曰必有忍也

若能濟也

周

畢命

惟十有二年六月庚午朏越三日壬申王朝步自宗周至于豐以成周之衆命畢公保釐東郊王若曰嗚呼父師惟文王武王敷大德于天下用克受殷命惟周公左右先王綏定厥家茲殷

頑民遷于洛邑密邇王室式化厥訓既歷三紀世變風移四方  
無虞于一人以寧道有升降政由俗革不滅厥臧民罔攸勸惟  
公懋德克勤小物弼亮四世正色率下罔不祇師言嘉績多于  
先王子小子垂拱仰成王曰嗚呼父師今予祇命公以周公之  
事往哉旌別淑慝表厥宅里彰善癉惡樹之風聲弗率訓典殊  
厥井疆俾克畏慕申畫郊圻慎固封守以康四海政貴有恆辭  
尚體要不惟好異尙俗靡靡利口惟賢餘風未殄公其念哉我  
聞曰世祿之家鮮克由禮以蕩陵德實悖天道做化奢麗萬世  
同流茲殷庶士席寵惟舊怙侈滅義服美于人驕淫矜侈將由  
惡終雖收放心閑之惟艱資富能訓惟以永年惟德惟義時乃  
大訓不由古訓于何其訓王曰嗚呼父師邦之安危惟茲殷士  
不剛不柔厥德允修惟周公克慎厥始惟君陳克和厥中惟公

克成厥終三后協心同底于道道洽政治澤潤生民四夷左衽  
罔不成賴予小子永膺多福公其惟時成周建無窮之基亦有  
無窮之間子孫訓其成戎惟又嗚呼罔日弗克惟既厥心罔日  
民寡惟慎厥事欽若先王成烈以休于前政

敬考孔壁藏書有百篇其發壁所得較伏書增多十有  
六篇此十六篇者首尾完具其他殘簡遺文兩漢猶或  
有傳故劉歆作三統歷有引用畢命豐刑之語東晉作  
者以君陳序與畢命序相類既作君陳矣卽采漢志之  
文依序意譌畢命一篇

前漢書康王十二年六月戊辰朔三日庚午故畢命豐刑曰  
惟十有二年六月庚午臚王命作策豐刑

律歷志

書序康王

命作冊畢分居里成周郊作畢命 緇衣章善廔惡 左傳

樹之風聲

文六年

君牙

王若曰嗚呼君牙惟乃祖乃父世篤忠貞服勞王家厥有成績紀于大常惟予小子嗣守文武成康遺緒亦惟先正之臣克左右亂四方心之憂危若蹈虎尾涉于春冰今命爾子翼作股肱心膂繼乃舊服無忝祖考弘敷五典式和民則爾身克正罔敢弗正民心罔中惟爾之中夏暑雨小民惟曰怨咨冬祈寒小民亦惟曰怨咨厥惟艱哉思其艱以圖其易民乃寧嗚呼丕顯哉文王謨丕承哉武王烈啓佑我後人咸以正罔缺爾惟敬明乃訓用奉若于先王對揚文武之光命追配于前人王若曰君牙乃惟由先正舊典時式民之治亂在茲率乃祖考之攸行昭乃辟之有乂

敬考孔壁亦未增多君牙其見稱于緇衣者號曰君雅  
漢儒見與序君牙聲相近知其卽爲君牙作者因之作  
君牙一篇

書序穆王命君牙爲周大司徒作君牙 前漢書經曰亦惟

先正克左右

谷永傳

緇衣君雅曰夏則暑雨小民惟曰怨資

冬祈寒小民亦惟曰怨

鄭注雅書序作牙假借字也

孟子書曰丕顯哉

文王謨丕承哉武王烈佑啓我後人咸以正無缺

滕文公

同命

王若曰伯冏惟予弗克子德嗣先人宅丕后怵惕惟厲申夜以  
興息免厥愆咎在文武聰明齊聖小大之臣咸懷忠良其侍御  
僕從罔匪正人以旦夕承弼厥辟出入起居罔有不欽發號施  
令罔有不減下民祇若萬邦咸休惟予一人無良實賴左右前

後有位之士匡其不及繩愆糾謬格其非心俾克紹先烈今予命汝作大正正于羣僕侍御之臣懋乃后德交修不逮愼簡乃僚無以巧言令色便辟側媚其惟吉士僕臣正厥后克正僕臣諛厥后自聖后德惟臣不德惟臣爾無昵于檢人充耳目之官迪上以非先王之典非人其吉惟貨其吉若時瘝厥官惟爾大弗克祗厥辟惟予汝宰王曰嗚呼欽哉永弼乃后于彝憲

敬考孔安國所得十六篇具有罔命大史公從安國問得其說載入周本紀而東漢已亡後之傳書序者漸致譌易乃以史不足信而序實可據故謹依序文而作罔

命一篇

書序穆王命伯冏爲太僕正作罔命

釋典

益稷

書傳序曰伏生又以舜典合于堯典益稷合于臯陶謨復出

此篇

分堯典慎徽五典已下爲舜典分臯陶謨帝曰來嗚已下爲益稷

敬考孔壁增多有舜典一篇棄稷一篇今不能創作其文而分析充數其亦張霸分析合二十九篇爲數十之故智與

舜典

曰若稽古帝舜曰重華協于帝洛習文明溫恭允塞立德升聞乃命以位

隋書曰東晉豫章內史梅賾始得安國之傳奏之時又闕舜典一篇齊建武中吳興姚方興于大桁市得其書奏上比馬

鄭所注多二十八字于是始列國學

經籍志

陸氏德明曰江左中興元帝時豫章內史梅賾奏上孔傳古文尚書亡舜典一篇購不能得乃取王肅注堯典從慎徽五典已下分爲舜典篇以續之原注孔序謂伏生以舜典合于堯典故取爲舜典學徒遂盛後范甯變爲今文集注俗間或取舜典篇以續孔氏齊明帝建武中吳興姚方興采馬王之注造孔傳舜典一篇云于大舩頭買得上之梁武時爲博士議曰孔序稱伏生誤合五篇皆文相承接所以致誤舜典首有曰若稽古伏生雖昏耄何容合之遂不行用今以孔氏爲正其舜典一篇仍用王肅本

又曰舜典第二王氏注相承云梅賾上孔氏傳古文尚書亡舜典一篇時以王肅注頗類孔氏故取王注從慎徽五典以下爲舜典以續孔傳

又曰曰若稽古帝舜曰重華協于帝此十二字是姚方興所  
上孔氏傳本無阮孝緒七錄亦云然方興本或此下更有贊  
哲文明溫恭允塞玄德升聞乃命以位凡二十八字異聊出  
之于王注無施也

茲經典  
釋文

孔氏穎達曰梅賾時已亡失舜典一篇晉末范甯爲解時已  
不得焉至齊蕭鸞建武四年姚方興于太航頭得而獻之議  
者以爲孔安國之所注也值方興有罪事亦隨寢隔開皇購  
求遺典乃得其篇焉

又曰梅賾上孔氏傳猶闕舜典自此乃命以位已上二十八  
字世所不傳多用王范之注補之而皆以慎徽已下爲舜典  
之初至齊蕭鸞建武四年吳興姚方興于大航頭得孔氏傳  
古文舜典亦類大康中書乃表上之事未施行方興以罪致

戮至隋開皇初購求遺典始得之

竝尚書正義

敬考自漢武迄東晉餘四百年而梅書始顯自東晉迄蕭齊垂二百年而舜典始備夫大航頭非傳經之地買得無授受之人當時之寢不施行蓋人知其偽也然偽而不滅久且亂真隋人之購得曾不聞梁武之議乎唐

人之義疏胡不如元朗之出之乎

又考梅書已別出舜典而云亡舜典一篇

購不能得者蓋自慎微已下但有經文而無傳方與所上不惟篇首二十八字竝統篇之傳皆是也釋文直云方典宋馬王之注造孔傳舜典一篇夫作偽已得主名而卒行用之者仲達過也

大戴禮記

舜

曰重華

五帝

商頌濬哲維裔

易文言天下

文明

商頌溫恭朝夕

大雅王猷允塞

老子是謂玄德

載管

淮南內書舜執玄德于心而化馳若神

原史記舜

禹之閒岳牧咸薦乃試之于位

伯夷列傳

敬考右梅氏所上二十五篇與姚方興二十八字皆僞  
作者其于經傳所引逸書之文采錄殆盡而遷就補苴  
之跡有目所共睹爾故分句讀之則見其格言懿訓亦  
孔多矣又喜其平易近人也其得託于經久而不敗者  
良非偶然然苟合而讀之則未有不疏罅立見者郝楚  
望輩以文事痛加詆訶而閻先生等毛舉癥索攻擊惟  
恐不盡今亦未敢全載惟其中有事所本無而頗足亂  
眞理所難據而頗能害道所謂戾于本經與戾于他經  
者則辨之不敢不詳云